

# ВЫЛЬ УЛОН

3-ти АРЭЭ ПОТЭ

ВКП(б)-лэн УАССР-ысь  
Понино Райкомезлэн  
но Райсоветлэн  
органы.

20 мае  
1941 аре  
№ 38 (183)  
Номерлэн дуныз 5 коп.

## Колхоз'есын учетэз шонер пуктоно

Партилен но правительствов лэн урожайностез но общественной пудолэсь продуктивностез жутэм понна колхозник'еслы ватсаса тырон сярысь постановленизы колхоз'есын, бригадоосын но животноводческой фермаосын учетэз образцово пуктыны куре.

Учетэз умой пуктытэк но кыче хозяйстволэсь ужэз шонер организовать карыны уг луы. Озы ик колхозной хозяйствон но учетэз умой пуктытэк уг луы колхозной хозяйстволэсь ужэз шонер пуктыны, азыпала планировать карыны.

Образцовой пуктэм учет каждой колхозниклэсь умой ужаны мылкыдэ жутэ. Тани „Чаново“ колхозын 3 бригадаын, бригадирез Д. А. Баженов, колхозник'еслэсь ужамзэс лыдэ басытэ но дыраз трудовой книжкаосазы гож'я. Колхозник'ес умой тодо кӧня соос ужазы. Та колхозын ик 2 бригадаын, бригадирез В. А. Васильев, колхозник'еслэсь ужамзэс дыраз лыдэ уг басыты, трудовой книжкаосазы уг гож'я. Колхозник'ес уг тодо кӧня соослэн трудоденьзы, озы бере куд-огез колхозник'ес малпало оло соослэн ужамзылы трудодень гож'яло оло уг шуыса. Почашевской сельсоветысь Ворошиловлэн нимыныз нима колхозын счетоводзлэн Золотаревлэн учетэз пуктытэныз колхозын уж кулэз'я организовать карымтэ. Гужем ужлы планлэсьтымтэ, общественной пудоос бордын ужасьёслэн 1941 аре, ужам трудоденьзы гож'ямтэ. Бригадаослэн ужамзы сярысь обшой список өвӧл. Соин ик, учет өвӧлэн, тодмо луэ колхозлэн ляб ужамез; ляб пуктэмын урожай-

ность понна но пудо всрдон понна нюр'яськон.

Полеводческой бригадоослэн, пудо вордон бордын ужасьёслэн ужамзылэн размерез со вылысь луоз, кӧнялы соос ужзэс умой пуктыны быгатозы. Если полеводческой бригадаын ужась колхозник'ес урожайностелэсь планзэс мултэсэн басытыны быгат'ы ке, соос со ужамзылы ватсаса трос уждун басытозы на. Озы ик фермаосын ужасьёс но, пудолэн продуктивностез понна нюр'яськызы ке, ватсаса уждун басытозы. Тйни соин, каждой колхозын, бригадаын, фермаосын колхозник'еслэсь ужамзэс юн учетэ басытоно.

Куд ог колхоз'е ысь фермаосын кулэз'я учет пуктэмын өвӧл на. Пудоослэн өвӧл инвентарной номер'ессы, кыче маткалэсь басытэмын приплод, кыче скаллэсь кӧня кыскемын йӧлзэ, егит пудо нуналлы быдэ кӧня сэтэ привес. Отысен ик уг луы шонер лыд'яны колхозник'еслэн ужамзы понна ватсаса уждун начислять карыны.

Партилен но правительстволэсь колхозник'еслэн ужамзылы ватсаса тырон сярысь постановлениез обсудить карыса „Правда“ колхозысь колхозник'ес учетэз умой пуктоно шуыса колхозлэн председателез азын задача пуктызы. Веразы, что егит пудолэсь учетэ басытылоно привессэ, чем организовать кароно пудоосты мертанэз, лыдэ басытоно каждой скаллэсь кыскем йӧлзэ.

Учетэз умой пуктыса, яркыт возматоз колхозной хозяйстволэсь итогезлэсь деятельность, соку кажноез колхозник умой ад'оз аслэсьтыз ужамезлэсь результат'ессэ.

## Всесоюзной сельскохозяйственной выставкаез усътон азын

Выставкае нуналлы быдэ вуо возматаны быр'ем пудоос но тылобурдоос.

„Украинская ССР“ павильонын Тарнопольской, Ровенской, Львовской но Волынской област'есысь егит колхоз'еслэсь стенд'ессэс оформлять карон йылпум'яськыз. Стенд'ес пӧлын одйгаз—гуцульской селолэн панноез. Со возматэ Западной Украинаысь крестьян'еслэн улэнзылэсь паймымон вошт'яськон'ессэ. Специальной стенд вылын возматэмын гуцуль'еслэн но

Львовской област'ысь крестьян'еслэн народной творчествозылэн образец'есыз.

„Птицеводство“ павильонэ пуктэмын странаын нырысет'изэ лэсьтэм „ВСХБ“ электрической инкубатор. Со конструировать каремын павильонлэн директореныз. Б. К. Горещкий эшен. Инкубаторе чӧш 44.320 курепуз'эсты понны луэ. Выставка усътысь кем бере павильонын нуналлы быдэ чыпыос потыл'ясы козы но соос татчы пырась'еслы вузаськозы.

## Кизенэз жог ортчытонлы вань луонлык'есты уже кутано

Тулыс луд уж'ёсысь тырмымтэосты али ик палэнтоно

Тулыс луд уж'эсты пась-бороздаын быдэн 5—7 плуген кыт вӧлмытыны котыкыче луонлык'ес вань ни. Озы ке но районамы тулыс ю кизён чидантэм ляб быдэсме. Тужгес ик ляб кизё Адамской, Богатырской, Слудской сельсовет'есысь колхоз'есын. Тросэз колхоз'ес ялам „раскачиваться“ карисько на. Тани „Земле-ро“, „В. Слудка“, „Трактор“, Кировлэн нимыныз нима колхоз'есын массовой кизён борды кутскыны луонлык'ес луыса но кизенэз выборочно нуыны турткско на.

18 майлы районамы быдэ сак 451 гектар гинэ киземын, Солэсь мултэс, тросаз колхоз'есын ю кизён дыр'я агротехникаез чурит тйан факт'ес вань, кылсярысь, „Красные орлы“, „Чаново“, Буденныйлэн нимыныз нима, „Красная речка“, „Красный яр“ но мукет'есаз колхоз'есын гыронэз кулэ мурдалаен уг ортчыто, зябез культивировать карон урод мынэ но зябез вазь усыян уг ортчыт'яськы. Талэсь но урод ужпум Адамской сельсоветысь колхоз'есын, татын гыронэз, усыянэз но кизенэз герзатэк, разрывен ортчыто. Тани 16 майлы та колхоз'есын 65 гектар гыремын вал, киземын нош 15 га гинэ. Нош Понинской сельсоветысь колхоз'есын 32 гектар гыремын ке вал, киземез быдэсак 1 гектар гинэ.

Кизён машинаос уже ваньмыз уг кут'ясько. Нош куд-ог колхоз'есын („Красная речка“) сеялкаос прочэ тупат'ятэк кылиллям. Дондыкарской, Почашевской но мукет сельсовет'есысь колхоз'есын ю кидысэз но картовкаез яровизировать карон уг ортчыт'яськы.

Куд-ог колхоз'есын луд вылын ужанэз мыдлнь организовать карызы. Кылсярысь, „Красные орлы“, „Чаново“, „В. Слудка“ но мукет'есаз колхоз'есын гыронэз одйг

бороздаын быдэн 5—7 плуген ортчыто. Та колхоз'есын ик, звеноосты обезличить каро, нуналлэн распорядокез тупатымтэ, колхозник'ес ужаны бер пото но ужамысь вазь берго. Соин сэрэн ужан нормаос 40—50 процентлы сяна уг быдэсмо. „Красные орлы“ колхозын кык ужан нунал чӧже 40 валэн 8,6 гектар сяна өз гыре.

Адамской но Понинской сельсовет'есысь колхоз'есын минеральной но местной удобренияос кулэз'я уже уг кут'ясько. Минеральной удобренияос пчэвае тужгес ик урод но дасятэк пырт'ясько. Та сельсоветысь ик колхоз'есын но мукет'есаз озимой культураосты утялтонэз дун'ямтэ, состы усыян но подкормка ортчытон сантэмаське. Район'я озимез усыян быдэсак 69 га вылын но 45 гектар вылысь озимлы подкормка ортчытэмын. Нош Дондыкарской но Почашевской сельсоветысь колхоз'есын озимез утялтон борды прочэз кутскылымтэ. Кизён но озимез утялтон уж'ёслэн качествозы понна первичной парторганизациослэн секретарь'ессы, сельисполком'ёслэн председател'ессы, райзоысь но МТС-ысь агроном'ессы ласьян контроль ляб быдэс'яське.

Вань та серьёзной тырмымтэос Райзоез, МТС-эз, сельсовет'еслэсь но колхоз'еслэсь председател'ессэс, первичной партийной но комсомольской организациосты обяжать каро кулэ луись вывод лэсьтыны но вань ужрад'эсты кутыны со вылысь, чтобы тулыс луд уж'эсты самой вакчи дыр'ёсы ортчытыны. Сыче тырмымтэосын чидатскыны но буйгатскыны — преступление луэ.

Нормаоссэс мултэсэн тырмыт'яло

Адам. Кировлэн нимыныз нима колхозысь колхозник'ёс кизёнлэн нырысет'и нунал'ёсысеныз ик нормаоссэс мултэсэн тырмыт'яны кутскызы. Тани гырысьёс Максимова Райса но Максимова Елизавета Алексеевна одйг оmezэ плуген гырыса нормазэс 0,75 гектар интые, 0,90 гектар быдэс'яло. Кык оmezэ плуген гырысь Максимов Михаил Алексеевич 1,30 гектар тупатэм норма интые, 1,82 гектар гыре. Гыремзылэн качествоз умой.

Максимов, сельсоветлэн секретарез.

Тулыс кизенлэсь мынэмэз возматись

## СВОДКА

(18 майлы)

Сельсовет'ес	Киземины тысьёос гектарен	Киземины ет'ин гектарен
Адамской . . . . .	96	—
Коршевихинской . . . . .	80	6
Бад'ымшурской . . . . .	20	—
Почашевской . . . . .	—	—
Понинской . . . . .	45	—
Дондыкарской . . . . .	18	3
Слудской . . . . .	109	8
Богатырской . . . . .	83	—
Ваньмыз район'я . . . . .	451	17

## Колхозник'ёс кизённы активно ужало

Слудка. Н. Слудка колхозын 18-ти май азелы ю киземины 52 гектар вылэ. Кизён ортчыт'яське протравить карем кидысэн но рядовой способен. Берло нунал'ёсы куазьлэсь шулдырзэ использовать карыса вань кужыммес поньскомы кизенэз вакчи дыре быдэстыны. Луэмез'я вань ужась кужыме но вал'ёсты кизённы использовать карыскомы. Колхозник'ес тулыс луд уж'ёсын активностезэс возматэ. Тани куиньмет'и бригадаысь гырысьёс: А. А. Богданов, А. М. Агафонов но мукет'ессыз тупатэм нормазэс мултэсэн быдэс'яло. Озы ик нылел'и бригадаысь но гырысьёс С. В. Богданов но А. Н. Симанова одйг лемешной плуген нормаоссэс мултэсэн быдэс'яло. Трактор'ес культивировать каро.

Ф. И. Пономарев, колхозлэн председателэз.



Озеролэн берег вылаз (Славянской курорт, Сталинской область)



## Етинлэсь урожайностьсэ жутон понна

Етын асьме народной хозяйствон туж бадзым инты басьтэ. Етынлэн продукциялэсь фабрик'эс лэсьто портэм изделиос, куд'эсыз мыно колхоз'эслэсь, колхозник'эслэсь но вань трудяшоеслэсь куляськонзэс обеспечить каронэ. Народной хозяйстволэн өвөл сыче отрасльёсыз, куд'ыз уг куляськы етынлэн продукциялэсь.

Партилен но правительство лэн „Етынэз но пышез обязательной тырон сярысь“ постановленизы етынлэсь урожайностьсэ жутона колхоз'эслэсь но колхозник'эслэсь материальной заинтересованностьсэ жутона направить каремын. Дондыкарской сельсоветысь „Крестьянин“, „Дружные ребята“, Богатырской сельсоветысь „Симашур“, „Красный пахарь“ но мукет'эсыз колхоз'эс арысь аре етын ужын вань агромероприятности уже кутыса, кужымез умой рад'яса но уез умой организовать карыса, быгато етынлэсь урожайностьсэ жутины. 1940 арын етын ужын азымынсь колхоз'эс етын продукцияез мултэсэн государстволы сдать каремзылэсь гинэ басьтэ трос доход—премия—надбавка. „Крестьянин“ колхоз премия надбавка гинэ

1230 манет басьтэ, „Победа“ колхоз—1426 манет, „Красная речка“—1056 манет.

Таин валче ик куд-ог колхоз'эс етын кизыны муз'емез удобрить карымтэнызы етынлэн вредительёсынызы (насекомойёсын) нюр'ясыкымтээн но мукет агромероприятности уже кутымтэнызы, етынлэсь урожайностьсэ жутины уг быгато.

Государстволы етын продукцияез сдать карон мукет'эсыз сельскохозяйственной продукцияез кад'ик обязательной поставкаен луо. Та важнейшей задачеэз уж вылын былэстон понна ваньмыз колхоз'эс, бригадаос, етын бордын ужась звеноос етынлэсь урожайностьсэ жутон бордын серьёзно ужано луо.

Етынлэсь урожайностьсэ жутона понна кулэ дырыз дыр'я но тырмыт уже кутыны вань агромероприятности. Етын кизыны площадьез минеральной но местной удобренияосын удобрять кароно. Поч ваез кулэз'я обработать кароно, кизёно чылкыт но протравить карем кидысэн, кизёнеэ ортытоно вакчи дырын.

**Трефилов,**  
заготленлэн райуполномоченноез.


## Нылпи площадкаоосты дыраз организовать кароно

Туэ гужем сезонлы районамы дас куать нылпи площадкао кылдытоно, кытын 700 нылпиос огазаямын луыны кулэ. Колхоз'эсын нылпи мумыосты пинал'эссы сэрэн гуртын пукемлэсь мозмытон понна но соосты луд уж'эсын ужаны луонлык кылдытон понна нылпи площадкаоосты значенизы тужгес ик бадзым. Нош куд-ог колхоз'эслэн кивалт'эссы та ужлы вниманизэс уг вис'яло. Тани Коршевихинской сельсоветысь „Большевик“ колхозлэн председателез Третьяков, Буден-

ныйлэн нимыныз нимама колхозлэн председателез Хаймин но Адамской сельсоветысь „Красный яр“ колхозлэн председателез Харин нылпи площадкаоосты устыны помещениос уг шедьто.

20 маёз площадкаоосты устыны луыны кулэ ни вал. Озы ке но выль верам колхоз'эсын помещениосты дасян борды но кутсыкымтэ на.

**Баженова,**  
РОНО-лэн дошкольной инспекторез.



„СССР Н-169“ самолетлэн высокоширотной экспедицеэ. Суред вылын: штурман В. И. Аккуратов 3-тй №-ро йё вылын флаг пуктэ.

ТАСС-лэн фотохроникаез.

## СОВЕТСКОЙ СОЮЗЛЭН ГОРОД'ЭСАЗ



Таллинын Победа нимо площадез

## Граница съорысь ивор'эс

### «Колумбия» пароходэз задержать каремлы пумит Советской правительстволэн протестэз

Вашингтон, 15 мае. (ТАСС). Туэ 7 мае Сан Францискоын США-лэн государственной департаментэзлэн распоряжениез'я задержать каремын вал ыжгонлэн но куослэн грузы, куд'эссэ Советской Союз басьтэз Аргентинаысь но Уругвайысь и куд'эсыз жоктысько вал СССР-е нуон понна Амторген зафрахтовать

карем „Колумбия“ шведской пароходэ.

СССР-лэн США-ысь Чрезвычайной но Полномочной Посолэз Уманский эш 14 мае США-лэн государственной секретарез г. Хэлл доры ветлиз но советской правительстволэн нимыныз солы сётэз протестлэсь нотаэ советской грузэн „Колумбия“ пароходэз задержать каремлы пумит.

### Англилэн информациялэн министерствоэзлэн Рудольф Гесс сярысь ивортэмэз

Лондон, 13 мае. (ТАСС). Англилэн информациялэн министерствоэз официальной ивортон поттэз, отын верамын, что 10 мае потон уин Глазго доры „Мессершмитт-110“ германской самолет пазыгискиз. Со дорын кыдэ-

кысь ик өвөл шараямын вал германской офицер. Парашютэн лэзкыкуз со пыдзэ шуукем. Та офицер нырысь пал ассэ Хорн шуыса нимаз вал, нош берлогес Рудольф Гесс шуыса вераз.

### Германской информационной бюролэн Гесс сярысь ивортэмэз

Берлин, 13 мае. (ТАСС). Германской информационной бюро „Национал-социалистиче пресс корреспондент“ бюллетеньлэсь Рудольф Гесс сярысь ивортонзэ сётэ. Кызы тодмо луиз Гесслэн кельтэм документ'эсыз вылысь, шуэмын ивортонны, со „аслыз тодмо англичан'эс пыр лично вераськыса, Англия но Германия кустын соглашение тупатыны тыршон мылкыдэн герзаськемын вал“.

Бюллетень отяз ивортэ, что, Англиысь басьтэм ивор'эс'я Гесс парашютэн Шотлан-

дие лэзкыкы, „со пункт доры, куда солэн шедемез потэ вал“, и отысь со сосьрмыса шедтэмын вал.

Кызы тодмо национал-социалистической партилен круг'эсаз, вера бюллетень, Рудольф Гесс та берло ар'эсы висыса улэз, „но союз но может луыны, что Англия ласянь Гесслы западня лэсьтэмын вал“. „Национал-социалистской партия сожалеть каре, что та идеалист роковой навязчивой идеялэн жертмаез луиз“.

### Общинаослэн палатаязы Черчилльлэн вераськемез

Лондон, 15 мая. (ТАСС). Райтер агентстволэн представителезлэн ивортэмез'я иностранной уж'эслэн министерствоэзлэн представителезлэн Кирпатрик но Гесс кустын переговор'эслэн мынэмзы сярысь общинаослэн палатаязы Черчилль [заявление өз

лэсьты. Черчилль шуиз, что общинаослэн палатаязы кулэ заявление со лэсьтоз со понна луонлык кылдэм бере ик. „Но,—шуиз Черчилль,—таче заявление понна дыр бырыса, мон общественной интерес'эсын руководствоваться карысько“.

## Ворошиловской стрелокъёс но ПВХО'я значкистьёс дасямын

Майлэн нырысетй нунал'эсаз ПВХО но ВС значок'эслы нормаос сдать карон'эс ортычы. Тужгес ик та ужен вис'ясыкызы заплэн командир'эсыз В. И. Баженов, Н. П. Присмотров, Н. П. Куклин, Я. Т. Ураков но мукет'эсыз нормаосты сдать кароны но занятности организовать кароны асьсэлэсь знанизэс передать карыса, тырмыт инициативазэс проявить карызы. Заплэн командир'эсызлэн юртэмзыя Понинской районьысь осавиахимлэн райсоветэз I-тй ступенё Ворошиловской стрелок'эсты 120 мурт дася но II-тй ступенё 64 мурт. «ПВХО» значкистьёс дасямын 150 мурт.

Ыбылыськонын умоесь результат'эс возматэзы С. М. Акулов, Я. С. Ураков, В. Е. Пешкин, Н. П. Куклин но мукет'эсыз.

А. Зайцев.

### Туэ арлы трудоденьёс гож'ямтэ на

Бадзымшурской сельсоветысь „Чаново“ колхозысь колхозник'эслы 1941 арын ужамзылы трудодень гож'ямтэ на, тужгес и таёе уж 2-тй бригадаын, бригадирез Б. А. Васильев. Тросэз колхозник'эс, колхозницаос уг тодо ни 4 толэзэ Чоже ма ужамзэс но көня ужамзэс. Кыктэти бригадалэн бригадирез Васильев колхозник'эслэсь трудовой книжкаоссэс киязы ноку но уг сётчалля. Колхозник'эс уг но тодыло гож'ямтэна, өвөл-а соослэн трудовой книжкаосазы трудоденьёс.

Урегов.

### МТФ-лэсь умзэ уг эскеро

Понинской сельсоветысь „Красные орлы“ колхозын председателезлэн но МТФ лэн заведующеезлэн ляб эскеременызы МТФ-ын ужасьёс К. А. Лукина, П. Кунаева урод ужало. Кунян'эсты, скал'эсты дыраз уг судо, люктало. Асьсэос нош гуртазы ас ужазы ужаса уло, яке изыса уло. Сыче случайёс но вань, кыскем йол но кунян'эслы вис'ям пызёше.

Кунаев.

Врид. редактора П. Т. Алакозев

Понинской райпромкомбинатлы достоянной кадр но 1941 арын сезонной ужасьёс таёе специальностен вулэ: **столяр'ёс, плотник'ёс, пищик'ёс, известь сутонья маотерьёс, валэн ужасьёс, сторож'ёс** но мукет ужасьёс. Ужэс сдельно. Обращаться карысько но райпромкомбинатлэн контораз.

Дирекция.